

ШАЛГЪЛТ ӨӨДАН БОЛВ

Одахн «Заветы Ильича» колхозин комсомольск организацин тооцана хург болв.

Колхозин комсомольцнр болн союзн биш багъчуд селанā эдл-ахун болн малин халхар кōдлдж йовна. Келхд, комсомолец үр Василий Головки хōбч болдж кōдлād, хōн болгънас 6,7 килограмм ноос киргъдж авб. Комсомолец үр Коломейцев зун хōн болгънас 133 хургъ авад, экāsнй салгътл гару угагъар асрдж хадгълв. Өдгā цагт үр Коломейцев 1200 толгъа эрт гарсн хургъдиг бий деерāн даадж авб. Эн хōбч эврāннь отаран Хар газрт авч оч үвлзүлхми, — гидж тооцана докладан сеглāтр темдглдж келв.

Колхозин саальчнр үр Н. Милодан, Л. Маслова, Л. Завезенова болн талдан чигн салчнр саалин үкр болгънас дундлад 1700—1800 литр үс саадж анцхав.

Тооцана докладар комсомольцнр бодсдж үг келцхāv. Эдн комсомолнн ко-

митетин кōдлмшиг шүүдж шалгъдж, багъчуд дунд культурн кōдлмш сулар кегдв гидж комсомольцнр келцхāv.

— Мана МТФ-н коллектив күч-кōлснā коммунистическ бригадин нер зүүхин тōлā ноолдджана. Иим чинртā нер зүүхин тōлā кōдлмшāн үзмдж-тāгъяр кехми, культурн кевār амргъ кехми, олд үзмдж болхми. Бидн эврāннь ферм деер художественн кружок бүүрдāхār седлāvдн, болв МТФ-н заведующ үр С. С. Березовский кружок бүүрдāхми биш гидж закв. Иим хаджгър йовдлг комсомольск организацин комитет цаглань чиклдж, хаджгър йовдл гаргъсн С. Березовский цаглань заадж, чиклсн уга, — гидж саальч үр Скотина келв.

Алдр Октябрьск социалистическ революцин 42 дōниг болн КПСС-н ЦК-н Пленумиг уктдж, социалистическ дōрлдāг улм цааранднь делгрүлдж, колхозин цуг комсомольцнр болн союзн биш багъчуд мал үвлзүлгънā кōдлмшт шунмгъагъар орлцдж, үвлд сән бел-

двр тетхми гидж комсомольск олна хург шиидв.

Комсомолнн комитетд шинās сунгъдж авсн члед, комсомольцнр болн союзн биш багъчуд дунд политическ болн цāāлгъврин кōдлмш өргār делгрүлхми, клубин кōдлмшиг керулдж, художественн кружокс бүүрдāj, багъчудин бāādл-джиргълиг улм цааранднь цецгārүлхми гидж комсомолнн тооцана хург шиидв.

Өдгā цагт колхозин комсомольцнр болн союзн биш багъчуд саальчнр, хōбчнр, механизатормуд болдж кōдлджāнā. Эдн эврāннь халх кōдлмшāн үзмджтāгъяр күцāдж, долан джилā зуран түрүн джилд ик дилвр күч-хār шунлтта кевār ноолдджана.

Эн джилн 8-сарин эргид зун гектар газрин тоод 17,2 центнер мах, 42 центнер үс, 5,8 центнер ноос, 4,9 мингън бндг гаргъсн бāāнā. Тегād эн колхоз эдл-ахун зура күцāлгъārн Яшалтинск районд түрүн орм эалджāнā.

А. ВЕЕВ.